

館陶縣志

第九冊

館陶縣志卷之六

禮俗志

典禮

風俗

禮記司徒修六禮以節民性傳曰安上治民莫善於禮良以禮者履也謂因人所踐履定其法式大而冠婚喪祭小而視聽言動皆有節文以昭均一故古聖人化民成俗禮讓爲先周制春官典禮後世則以太常禮部等掌之三代之禮雖損益攸殊然要皆近情性通時變故孔子稱之曰百世可知魯爲秉禮之邦館邑家知禮遜習俗節儉流風善俗猶有存者則因時補救以禮防閑有關於民德民俗者至鉅也志禮俗

一典禮

館陶縣志

禮俗志 典禮

一

前清治定制禮凡壇壝祠廟之設有通祀有專祀有方祀達於各省會郡邑下至鄉閭之間歲時伏臘順時應宜舉行弗替而春秋二仲釋奠釋菜祀孔典禮遵行尤虔其他先農耕藉救護講約鄉飲酒之禮歷任邑宰亦無不敬慎將事躬親教稼以重民生申明鄉約以厚民德崇敬老禮以教孝悌恤孤義以教慈賢有司凜凜乎作則以身齊民以禮而邑民翕然化之蒸爲善俗固由民性質直俗近敦厚易於感應亦以良邑宰身教在先不專恃誥誡空文故風行草偃有不期然而然者第咸同以降兵變迭興而禮化攸替盜匪滋熾而刑禁乃嚴以政道民以刑齊民免而無恥誠不如道以德齊

以禮有恥而且格前清末年法制較詳而民心愈貳然則禮教不修而蘄圖民治庸有濟乎哉茲將舊制祀典禮儀敘述於左

(1)關於祠廟者

一文廟 在城治東南正殿祀

先師孔子兩序列四配十哲兩廡祀七十二子及諸先儒歲春秋仲月上丁日致祭知縣奉祀佐幕教官陪祭分獻牲帛如制

祭器簠簋八百一十箇磁羹碗三箇磁爵五箇磁香爐四十箇五箇白磁盆四箇磁酒海四箇錫羹碗一箇白酒盅一百箇

館陶縣志

禮俗志 典禮

二

錫爵五十五箇木都臺三十對鐵香燭三箇

舊志今缺

大成殿祭

至聖先師孔子東配復聖顏子述聖子思子西配宗聖曾子亞聖孟子東哲閔子損冉子雍端木賜仲子由卜子商有子若西哲冉子耕宰子予冉子求言子偃顓孫子師朱子熹東廡先賢澹臺子滅明等三十一位先儒穀梁子赤等十七位西廡先賢宓子不齊等三十一位先儒左子邱明等十六位縣有司歲以仲春仲秋上丁日釋奠屆期先三齋戒先一日率佐貳官學官詣省牲所行省牲禮齋宿學宮厥明學官率闔學諸生各執其事陳設酒尊先師一四配一十哲一爵先師四

配各位各三十哲兩廡每位各一登先師一盛太羹鉶先師
四配各二十哲各一盛和羹籩與豆先師各八籩盛形鹽藁
魚棗榛芡菱鹿脯豆盛菹韭菁芹笋醢醢鹿兔魚四配每位
籩豆各六盛如先師籩去榛芡菹豆去韭醢醢十哲每位兩
廡每四位籩豆各四盛如四配籩去魚菱菹豆去笋醢魚籩
與簋先師各二簋盛黍稷簋盛稻粱四配十哲每位兩廡每
四位各一簋盛黍稷盛稷供籩左豆右筐先師四配每位十
哲每五位兩廡每廡各一每筐盛帛一段白色長一丈八尺
共用帛九段牲先師羊豕各一匣二盛置四配共羊豕各一
各分爲四木盤四盛置十哲每五位豕一分爲五兩廡每廡
豕一照位分爲段盛俱用木盤每祭用牲羊二豕六鹿一兔
九其樂舞各止六佾陳設畢樂舞生就班嚴祭鼓獻官陪祭
官分獻官各就位執事捧毛血盤座於坎遂啓牲匣蓋行迎
神禮樂生舉麾唱樂秦咸和之曲獻官及陪祭官俱行拜禮
畢樂止奠帛行初獻禮捧帛者各捧帛執爵者各執爵獻官
詣盥洗所盥訖再詣酒尊所司尊者舉幕酌酒執事者各以
爵受酒同捧帛者在獻官前分兩行由中門入向上立餘四
爵四帛入序於神案之前獻官從左門入詣至聖先師神位
前樂生舉麾唱樂奏甯和之曲獻官神位前跪捧帛者西向
跪進於獻官右獻官受帛捧獻訖授執帛者執帛者跪接奠

於神前案上執爵者西向跪進爵於獻官右獻官受爵捧獻
訖授執爵者執爵者跪接奠於神前案上獻官俯伏興平身
詣讀祝位讀祝者跪取祝文退立於獻官之左獻官以下皆
跪樂止讀祝者跪讀祝文訖仍置香案上退立復奏前未終
之樂奏訖獻官以下俯伏興平身詣復聖顏子神位前獻官
奠帛獻爵俯伏興平身俱如先師儀次詣宗聖曾子述聖子
思亞聖孟子神位前俱如復聖儀此時分獻官於兩哲兩廡
一同行禮俱如前儀獻官由右門出復原拜位分獻官同樂
止行亞獻禮儀同初獻惟少奠帛讀祝樂生舉麾唱樂奏安
和之曲獻訖復位樂止行終獻禮儀同亞獻王生舉麾唱樂

奏景和之曲獻訖復位樂止飲福受胙獻官詣飲福受胙位
捧福酒者跪進獻官右獻官受酒飲訖捧福酒者接盞捧福
胙者跪進獻官右獻官受胙訖捧福胙者接胙由中門捧出
獻官以下俯伏興平身復原拜位行再拜禮畢徹饌樂生舉
麾唱樂奏咸和之曲執事各於神位前將案上籩豆敬移執
事者回原位行送神禮前樂已止樂生舉麾唱樂奏咸和之
曲獻官以下行拜禮畢樂止讀祝者捧祝進帛者捧帛由中
門出其餘以次由左右出分行獻官以下同詣望座所焚祝
帛訖復原拜位各一揖而退

二啓聖祠 在廟西南隅凡祭 先師前期行如制

清雍正元年奉旨改爲崇聖祠追封五代加木金父公爲肇
聖王祈父公爲裕聖王防叔公爲詒聖王佰夏公爲昌聖王
叔梁公爲啓聖王東配顏氏無繇孔氏鯉西配曾氏點孟孫
氏東廡周輔成程珣蔡元定西廡張迪朱松

以上
舊志

乾隆三年升有子於先哲卜子之次

道光二年春三月以明儒劉從周從祀文廟三年春正月以
湯斌從祀文廟五年春正月予明儒黃道周從祀文廟六年
予唐儒陸贄從祀文廟七年春二月以前明舉人孫奇逢從
祀文廟二十九年夏六月以宋儒謝良佐從祀文廟

咸豐元年春三月以宋臣李綱從祀文廟二年春二月以宋

館陶縣志

禮俗志 典禮

五

臣韓琦從祀文廟七年春二月以先賢孔氏孟皮配享崇聖
祠先賢公孫僑從祀文廟八年冬十二月以宋儒陸秀夫從
祀文廟十年夏四月以明儒曹端從祀文廟

同治二年春三月以先儒毛亨明儒呂柟從祀文廟夏四月
禮部議定先賢先儒祀典位次頒發通遵五月以明臣方孝
孺從祀文廟七年秋七月以宋儒袁燮從祀文廟十年冬十
二月以先儒張履祥從祀文廟十三年冬十一月以先儒陸
世儀從祀文廟

光緒元年春正月以漢儒許慎從祀文廟二年秋七月以先
儒張伯行從祀文廟三年以漢儒劉德宋儒輔廣從祀文廟

十八年以宋儒游酢從祀文廟廿一年春二月以宋儒呂大臨從祀文廟

三十三年 至聖先師孔子升大祀三十四年秋九月以先儒顧炎武王夫之黃宗羲從祀文廟

以上通志

三名宦祠 在戟門左祀(隋)劉仁恩魏德深(宋)劉筠宗澤(元)溫仲謙李藻沈瑀張之綱(明)李伸李鈞侯居廣蔡琦

宋廣業朱廷楨韓高任塾徐炯楊朝楨趙申季王用霖(清)程瑾錢鑽

四鄉賢祠 在戟門右祀(魏)王榮世(宋)張瓊王沿王鼎(明)孫文義郎俛陳卣劉衡武肅郭良馬懋耿明姚鋹耿如

館陶縣志

禮俗志 典禮

六

杞耿章光姚運熙(清)耿願魯

五關帝廟 在縣十字街北明正德八年重修坊一座楊師震建後基地一段東瓦房三間草房一座門面房一間半山西洪洞舉人李茂實於清順治三年損以供香火 清初加封三代添啟聖

歲祭三次

謹按關帝精忠大義亘古一人宋崇寧中封崇惠公旋加封武安王明萬歷中封協天護國忠義大帝清乾隆中詔改本傳之壯繆為忠義迄今廟貌巍巍浩然正氣猶昭於兩大間也

六城隍廟 在縣治西北舊有門廊正殿寢宮又官廳在寢宮東齋房在寢宮西明天順間知縣唐楨建宰牲房在二門外西起敬坊在二門外階上萬歷二年知縣李冲奎重修二十年邑民樊希進李世周繼後又有秦

士進高遷捐資修之清順治七年李嘉春樊得仁等倡衆丹堊煥然改觀 每月朔望日知縣執香

帛謁拜神前

七八蜡廟 在北門外明孝宗初年令所在長吏羊一豕一於

春秋二仲月致祭遂為永例亦通祀也但古者於年終百穀

告成之後歲正一行後於冬季月上戊日一祭考伊耆氏始

為蜡周曰蠟秦曰臘年終祭名禮蜡也者索也歲十二月合祭萬物

而索饗之也禮祀郊特性曰天子大蜡八鄭康成曰八蜡一

曰先嗇如神農人二曰司嗇即后稷三曰農謂古之田畯有功於民者四曰郵

表謂田畯督約百姓於井間之處有神故亦祭之五曰貓虎謂其食野鼠野獸以護苗六曰坊

即隄防七曰水庸即溝八曰昆蟲螟蟲之類祝其勿為害也

八漳神廟 在城西南四十里清雍正四年勅封為惠濟漳河

之神知縣趙知希設立牌位懸挂匾額每年春秋致祭行禮

館陶縣志

禮俗志 典禮

七

如制

九忠義祠 在學宮旁每歲春秋兩祀祭忠孝節義之人自清

雍正四年始

十節孝祠 在城隍廟側每歲春秋兩祀祭烈女貞婦自清雍

正四年始

十一火神廟 在西門內街北

十二龍王廟 在北門外西有殿有門每求雨時祀之久圮

十三馬神廟 在縣治東北隅每春秋仲月上戊日行祭禮久圮

(2)關於壇遺者

一社稷壇 在城西春秋仲月上戊日祭知縣奉祀牲帛祝號

俱如令甲 今廢

二先農壇在邑東里許每歲仲春上亥日如社稷壇儀行藉田禮 今廢

三風雲雷雨山川壇 在城南春秋仲月上巳日祭以城隍附知縣春祀如社稷禮 久廢

四邑厲壇 在城北每歲清明中元下元三日祭先期移文城隍主壇知縣奉祀 久廢 以上舊志

民國革新三年禮制館以孔子之道非一言一行之美可以節惠定諡者比乃從最古之稱定爲孔子廟同年並定關帝與岳王合祀於武廟迨十七年國民政府統一之後鑒於民

館陶縣志

禮俗志 典禮

八

德未進民治莫恢欲進民德尊孔明禮尤爲先務二十三年八月本縣奉 省政府民字第六一五三號訓令轉奉 行政院令以奉

國民政府令奉中央執行委員會函經議決八月二十七日爲 先師孔子誕辰紀念日明令公布轉令飭知同月義奉民政廳第六八零四號訓令轉發先師孔子誕辰紀念辦法附紀念秩序單到縣茲將原辦法暨秩序單分別照錄於左

先師孔子誕辰紀念辦法 民國二十三年七月五日第四屆中央執行委員會第一二八次常務會

議
通
過

一紀念日期八月二十七日

二 紀念日名稱先師孔子誕辰紀念

三 孔子事略先師孔子名丘字仲尼魯人幼年即志於學壯遊四方闡揚堯舜禹湯文武周公救世致治忠恕一貫之道晚年復刪詩書定禮樂贊周易修春秋垂法後世爲儒家之祖歷代尊爲師表孫中山先生亦每推崇不置 先師生於民國紀元前二四六二年周靈王二十一年辛於同紀元前二三九年周敬王四十一年年七十有三

四 紀念儀式是日休假一天全國各界一律懸旗誌慶各黨政軍警機關各學校各團體分別集會紀念并向各地高

級行政機關召開各界紀念大會

五 宣傳要點 講述孔子生平事畧 講述孔子學說 講述孫中山先生革命思想與孔子之關係 附先師孔子誕辰紀念會秩序單

一 全體肅立

二 奏樂

三 唱黨歌

四 向黨國旗 總理遺像及 孔子遺像行三鞠躬禮

五 主席恭讀 總理遺囑

六 主席報告紀念 孔子之意義

七講演

八唱 孔子紀念歌

九奏樂

十禮成

二十四年二月木縣奉民政廳第一四九號訓令准山東省
 政府教育廳函以奉 省政府交下 行政院訓令奉國民
 政府令轉奉 中央執行委員會函據教育部呈擬製 先
 師孔子紀念歌詞經議決通過檢送歌譜轉行抄發令遵並
 轉飭通遵轉發原譜飭遵到縣茲將原譜照錄於左

孔子紀念歌

6 調 $\frac{4}{4}$ 拍子 莊嚴 1-80

5 | 1. 6̣ 1 6̣ 0 | 3̣ 3̣ 2̣ 5̣ | 0. 3̣. 2̣ 2̣ 0 | 5. 1 2 5 |
 大 道 之 行 也 | 天 下 為 公 | 選 賢 與 能 | 講 信 修 睦

5 5 1. 5 1. 2 3 0 | 1 5 1 3 2 0 5 | 5 1 5 3 2 |
 故 人 不 獨 親 其 親 | 不 獨 子 其 子 | 使 老 有 所 終 壯

1. 3 2-3 2 3 4 | 5 6 7 5 | 2 7 6 7 1 2 2 | 5 5 3 2 5 |
 有 所 用 | | | 幼 有 所 長

5 0 5 0 5 0 5 0 | 3 4 5 0 6 | 5 4 3 2- | 3 2 1 7- | 2 1 2 6- |
 矜 寡 孤 獨 | 廢 疾 者 | 皆 有 所 養

5. 1 5. 0 | 1. 2 3 0 | 5 0 6 5 6 7 1 6 | 5 0 2 2 1 2 3 |
 男 有 分 | 女 有 歸 | 貨 惡 其 棄 於 地 | 也 | 不 必 藏 於 已

5 0 6 5 6 7 1 6 | 5 0 5 1 3 | 5 5 1 5 | 1 2 3 0 3 2 |
 力 | 惡 其 不 出 於 身 | 也 | 不 為 已 | 是 故 謀 閉 | 而 不 與 盜 竊

1 5. 1 2 3 0 | 2 2 2 2 3 2 0 | 2-3- | 2-1- |
 亂 賊 而 不 作 | 故 外 戶 而 不 閉 | 是 謂 | 大 同

二十四年三月本縣奉民政廳第九一七號訓令以奉 省
 政府交下 行政院令為中央秘書處函內政部議復柯璜
 呈請紀念四配十二哲及兩廡諸賢一案擬於紀念孔子時
 一併列入經常務委員批准照辦轉行飭遵轉飭遵照業經
 本縣縣政府及所屬機關一體遵照辦理
以上檔案 茲將孔廟從
 祀四配十二哲及東西廡先賢先儒依次列表於左

四配表

姓名	字	籍	配祀年次	備考
復聖顏子回	子淵	魯	漢永平十五年祀 魏正始七年配	
宗聖曾子參	子輿	魯南武城	唐總章元年配	

館陶縣志

禮俗志 典禮

十一

述聖孔子伋	子思		宋大觀二年從祀端平二年升哲咸淳三年配	
亞聖孟子軻	子輿	鄒	宋元豐七年配	

東哲表

姓名	字	籍	從祀年次	備考
閔子損	子騫	魯	唐開元八年	
冉子雍	仲弓	魯	唐開元八年	
端木子賜	子貢	衛	唐開元八年	
仲子由	子路	魯卞	唐開元八年	
卜子商	子夏	衛	唐貞觀三十一年	
有子若	子有	魯	唐開元八年	

西哲表

姓名	冉子耕	宰子予	冉子求	言子偃	顓孫子師	朱子熹
字	伯牛	子我	子有	子游	子張	元晦
籍	魯	魯	魯	吳	陳	宋婺源
從祀年次備考	唐開元八年	唐開元八年	唐開元八年	唐開元八年	唐開元八年	宋淳祐元年從祀清康熙十一年升哲

東廡先賢表

姓名	公孫僑	林放	原憲	南宮适	商瞿	漆雕開	司馬耕	梁□	冉孺	伯虔
字	子產	子邱	子思	子容	子木	子開	子牛	叔魚	子魯	子析
籍	鄭	魯	宋	魯	魯	蔡	宋	齊	魯	魯
從祀年次備考	清咸豐七年	唐開元二十七年	唐開元二十七年	唐開元二十七年						

館陶縣志

禮俗志 典禮

秦非	子之	魯																	
顏噲	子聲	魯																	
顏何	子冉	魯																	
縣亶父	子象	魯																	
牧皮																			
樂正克		周																	
萬章		齊																	
周敦頤	茂叔	州宋 人道																	
程顥	伯淳	南宋 人河																	
邵雍	堯夫	南宋 人河																	

館陶縣志

禮俗志 典禮

西廡先賢表

姓名	字	籍	從祀 年 代 備 考
蘧瑗	伯玉	衛	唐開元二十七年
澹臺滅明	子羽	魯武城	
宓不齊	子賤	魯	
公冶長	子長	齊	
公皙哀	季次	齊	
高柴	子羔	齊	
樊須	子遲	魯	
商澤	子季	魯	

孔忠	狄黑	樂欬	燕伋	公祖句茲	縣成	秦祖	句井疆	顏袒	奚容蒧	后處	公夏首	石作蜀	壤泗赤	顏高	秦商	公孫龍	曹邨	顏辛	巫馬施
子蔑	子皙	子聲	子思	子之	子橫	子南	子疆	子襄	子皙	里之	子乘	子明	子徒	子驕	子丕	子石	子循	子柳	子期
孟皮 之子	衛	魯	秦	魯	魯	秦	衛	魯	衛	齊	魯	秦	秦	魯	魯	楚	蔡	魯	陳

館陶縣志

禮俗志 典禮

館陶縣志

禮俗志 典禮

東廡先儒表

程頤	張載	公孫丑	公都子	公明儀	泰冉	左邱明	申枏	施之常	顏之僕	公西蒧
正叔	子厚				子開		子周	子恒	子叔	子尚
宋河 南人	宋鄆 縣人	齊	齊	魯武 城人	魯	魯中 都人	魯	魯	魯	魯
宋淳祐元年	宋淳祐元年	清雍正二年	清雍正二年	清咸豐二年	唐開元二十二年	唐貞觀二十一年				
姓名	字	時代	籍貫	從祀年代	備考					
公羊高		戰國	齊	唐貞觀二十一年						
伏勝	子賤	秦	濟南							
毛亨		漢	魯國	清同治二年						
孔安國	子國	漢	孔子十 一世孫							
毛萇	長公	漢	趙							
杜子春		漢	河南 緱氏							
鄭玄	康成	漢	高密							

館陶縣志

禮俗志 典禮

胡居仁	叔心	明	餘千	明萬曆十二年	
羅欽順	允升	明	泰和	清雍正二年	
呂柟	仲木	明	高陵	清同治二年	
劉宗周	起東	明	山陰	清道光二年	
孫奇逢	啓泰	明	容城	清道光八年	
黃宗羲	太冲	明	餘姚		
文天祥	宋瑞	宋	廬陵	清道光二十三年	
張履祥	考夫		桐城	清同治十年	
陸隴其	稼書	清	平湖	清雍正二年	
張伯行	孝先	清	蘭儀	清光緒四年	
湯斌	潛庵	清	睢州	清道光三年	
顏元	習齋	清	博野	民國八年	

西廡先儒表

姓名	字	時代	籍貫	從祀年代	備考
穀梁赤	元始	戰國	魯	唐貞觀二十一年	
高堂生	伯秦	漢	魯	唐貞觀二十一年	
董仲舒		漢	廣川	元至順元年	
劉德		漢	封河間 獻王	清光緒三年	
后蒼	近君	漢	東海 郟人	明嘉靖九年	
許慎	叔重	漢	汝南 邵陵	清光緒二年	

許衡	陸秀夫	金履祥	趙復	魏了翁	蔡沈	眞德秀	陳淳	魏九淵	張軾	李綱	羅從彥	呂大臨	游酢	司馬光	歐陽修	范仲淹	陸贄	范寧	趙岐
仲平	君實	吉甫	仁甫	華父	仲默	景元	安卿	子靜	敬夫	伯紀	仲素	與叔	定夫	君實	永叔	希文	敬輿	武子	邠卿
元	宋	元	宋	宋	宋	宋	宋	宋	宋	宋	宋	宋	宋	宋	宋	宋	唐	晉	漢
河內	鹽城	蘭谿	德安	浦江	建陽	浦城	龍谿	金谿	綿竹	邵武	劍南	藍田	建陽	夏縣	廬陵	吳縣	嘉興	鄆陵	長陵
元皇慶二年	清咸豐八年	清雍正二年	清雍正二年	清雍正二年	明正統二年	明正統二年	清雍正二年	明嘉靖九年	宋景定二年	清咸豐元年	明萬曆四十二年	清光緒二十一年		宋咸淳三年	明嘉靖九年	清康熙五十四年	清道光六年	唐貞觀二十一年	

館陶縣志

禮俗志 典禮

吳澄	幼清	元	崇仁	明正統八年
許謙	益之	元	金華	清雍正二年
曹端	月川	明	澠池	清咸豐十年
陳獻章	公甫	明	新會	明萬曆十二年
蔡清	介夫	明	晉江	清雍正二年
王守仁	伯安	明	餘姚	明萬曆十二年
呂坤	新五	明	寧峻	清道光六年
黃道周	幼安	明	鎮海	清道光五年
王夫之	而農	明	衡陽	
陸世儀	道威	明	太倉	清光緒二年

館陶縣志

禮俗志 典禮

顧炎武	寧人	明	崑山	
李璩	剛主	清	蠡縣	民國八年

謹按帝王祀孔自漢高以春秋仲孔子為濫觴而春秋釋奠始自隋開皇間州則始自北齊各州縣學以春秋仲孔子為濫觴而春秋釋奠至四配十哲暨東西廡各先賢遠自漢永平間近而逮於民國中如唐宋元明清諸代亦無不累頌明詔定各賢哲等皆於春秋仲月上丁隨同至聖先師孔子依致祭典禮至隆正殿配哲既東西廡先儒均於紀念孔子時國府明令正殿配哲既東西廡先儒均於紀念孔子時一併紀念尊禮古聖昔賢即所以振儒教而昌文化民德日進民智日新民族主義自發揮光大寧獨館邑人好儒學起也哉

二風俗

隋書載館陶人好儒學性質直懷義有古之風烈一統志稱

習俗節儉家知禮遜通志稱士習詩書尚禮義民樸實無浮華蓋地接齊魯居隣燕趙河流貫其中得山川鬱勃之氣其蔚而成俗者頗有陶唐氏之遺風炎漢而後一淪於北魏李唐而後再淪於遼金雖異族同居而歷來敦厚之風與淳良之俗不稍改徵諸冠婚喪祭與尋常晉接周旋之禮具見風承乎古俗不徇人由此而道之以政施之以教順其性而破其塞人自易從縱有不良習慣亦不難漸次改革茲將風俗列述如左

1 關於冠禮者

冠禮久廢惟人當親迎時沿途拜客必持名刺用紅單帖帖上寫新郎某人拜有嫌新郎二字不宜施之普通親友者則寫新冠某人拜未完婚以前稱名不稱字既完婚後人漸以字稱之且其尊屬必誠之曰爾既娶妻即已成人行事總要整莊不可再作孩子氣似古加冠之訓詞是冠禮帶行於完婚時矣

2 關於婚禮者

凡男女結婚必由媒人作合先向男家說明女子年庚又其家教容儀並女紅之大概男家不拒再向女家說明男子之年庚學何營業及其性質並家計若何兩家先按男女命宮看其合婚與否合則各向親友處打聽隨後媒人

又先向男家問同意否次再徵求女家之同意先由男家書具簡單求婚柬名曰小帖由媒人持向女家代爲訂婚此次如不得女家應允不妨將小帖帶回如得女家之許婚帖男家不得中變所謂羞男不羞女也然後再由兩家各書具正式婚書男家書明男子之籍貫三代年庚命名女家書明女子之籍貫三代年庚命名同媒人擇定吉期先向女家下婚書書外備具彩綢與金銀首飾作爲聘禮女家則設備酒席招待媒人越日即向男家下回書書外備具文房四寶與經書科學書各一部作爲回禮男家更潔治豆觴以待媒人此時媒人至少亦須四位或六位所謂三媒六證也聘禮回禮按家計之豐嗇爲厚薄男家有只用銀飾四事女家僅報一書卷者有併其銀飾書卷而亦無之者並有只換小帖不用正式婚書或正式婚書俟親迎前一日通道路時始互換者邑之東北部往往用媒婆說媒媒成後兩家各給以勞金二元至四元不等名爲折酒席錢童年結婚俗名娃娃媒嘗遲至一二年始經說就媒人凡題一媒男女兩家皆十分鄭重故弊端絕少惟年歲女大男小中產以上之家皆然其人丁少者之家甚有大至八九歲者此風宜早革除

男女既長男家尊屬邀請女家尊屬相會爲其子女擇吉

完婚女家尊屬多不親到則將女之生辰八字開去靜候吉期親迎前一日由男家備具食盒內裝肉品喜餽等項務求豐潔差送女家名爲通道路並帶家禽一隻以代奠雁之禮親迎時如女家設備酒饌則於黎明時前往路愈遠則起身愈蚤如不設饌則於蚤餐以後去預先延請通達鄉禮者二人一同前往名爲陪客所有應行之禮節皆由陪客指教新郎到門先投御輪生帖附帶陪客之各片達於主家主家出迎先以下馬蓋接新郎下馬或下車同陪客立於右主人已立於左相向三揖而入登堂坐定未久由陪客催備香案主家引新郎赴祠堂朝祖行三跪九

叩首禮近有改行三鞠躬者朝祖既畢稍歇卽設饌飯後主家爲新郎插花被紅如不設饌亦往往免去朝祖一節俟新娘梳妝完備後引新郎入內院求親在院之左側向上恭行一揖近多改用一鞠躬禮然後新娘上轎新郎升輿鼓樂儀仗前遵一同歸家女家送女請女眷中明禮又命好者二人任之乘車先行送女男客二人或四人再多亦須雙數隨鄉俗之宜定人數之多寡乘車緊跟花轎花轎到門其家已在院中設備香案上供全神單迎花轎進門由男家中年以上婦女或由女家送女之男客扶持新娘下轎與新郎同拜華堂俗有案上設斗插羽箭三隻者

箭矢也取永矢無他之意此俗尚非通行拜堂後由平輩女眷或爲小郎者用小稱桿挑去新娘蒙首地鋪紅氈漫行引入洞房送女客隨後賀喜飯罷謁內長親赴新娘室先向新娘一揖以女旣于歸內家已成外人故一揖而坐向內長親謙述一切囑對新婦嚴加教誨送女之男女客各命駕而歸至夕新郎入洞房與新娘合巹俗名圓房次蚤新娘始換婦裝由夫家女眷導入中堂先向祖先行禮次向內外男女尊屬行禮按輩次之尊卑爲先後蚤飯旣畢赴母家歸寧新郎同去名爲回門新郎乃向岳家尊屬行禮日昃而歸次後接六天送九天至十二天女家內外

男女尊屬親屬備禮前來名爲圓飯所謂六天九天十二天不必滿此天數但擇雙日名爲六天九天十二天而已旣過十二天婚禮纔算終結

小戶人家結婚無以上所述之繁禮不親迎亦無鼓樂僅抬一頂轎去俗名乾打轎新郎在家等候俟花轎到來新郎先在神案前磕頭新娘下轎亦磕頭名爲拜天地小戶人家之夫婦多係男大女小或男女已經訂婚女年尙未及笄而女家貧寒無力贍養則送歸夫家作童養媳俟及笄後再成婚如遇慈善婆娘亦與閨女一般看待人或少年喪妻續絃時與初婚之禮節大致相仿中年後續絃其

禮稍殺如娶再醮之婦不用轎只用車接來當未下車時環車點放爆鞭意在驚鬼恐其前夫跟來也至用新式禮成婚者普通人家尙少更少自由結婚之事

3 關於喪禮者

人當尊屬易簣時候其氣息極微萬無一生一面呼喚一面將殮衣鋪於床上由其子姪婦女移親於床將衣穿上此時男婦雖慟尙須忍淚哭不出聲俟安置妥當氣息已絕乃燒畫就之倒頭馬與紙錢全家舉哀其含用制錢或用二角銀錢用玉者絕少以普通人家不易得也遣伴訃告親友已嫁之女或孫女各向其夫家尊屬討孝因已嫁

則降服情有不忍討孝於夫家尊屬乃得服正服次日夜靜時全家男女與親戚之晚輩者各持香齊赴十字路口燒紙名爲送盤纏去時不哭回時哭於雙日入殮亦必俟夜靜或黎明時親屍在床用衾蒙首及足前又豎以隱身草無衾則用粉運紙將親面蒙住恐人看見生厭惡之心在床多首向西取幽陰之義旣棺殮則首向南取反陰爲陽之義若殷實之家待日葬親則遵制於四日成服若不

久待則於歸窆日成服歸窆日之前孝子必請尊長熟諳鄉俗者爲主辦如古之護喪又請明於禮意者商同主辦規定一切禮文如古之相到期則設統計處禮節處內賑

房等分任其責孝子亦須聽其處置若非殷實之家則事從簡所論喪事稱家之有無也點主一節必請人爲之事簡者則由禮相代之主字頭上之一點必用紅筆紅取吉又屬陽亦不忍死其親之義主下方必寫奉祀人有長子則長子奉祀無長子則長孫奉祀若無長孫與長曾孫方可次子奉祀重大宗也邑之北部與東北部多不延僧道誦經南部與西南部此風暢行安葬既歸孝子於鄉鄰踵門謝孝於賻奠之親友當時僅謝以帖不再登門叩謝殯後燒紙日期三七五七盡七百日再後則一週三週過三週則從吉矣

中產以下之家親歿三天出殯不書主不請禮相不用音樂再貧無力備棺輒由鄉鄰攤款爲具薄槨孝子稽顙叩謝而已

4 關於祭禮者

親歿發引之前凡對於亡者有所動作則祭而告之如成服開喪成主皆有祭禮節甚簡是日主祭者上食爲堂祭具三牲行三獻禮禮節稍繁凡中產以上之家發喪皆行之用五牲祭者須有爵位者之家乃行之將發引時祖餞有祭遣奠有祭到墳安葬封墓皆有祭封墓後孝子歸家有虞祭此禮尚非通行本邑有祠堂者絕少有則四時亦

不致祭親歿之一週三週以及十週爲墓祭之期凡墓祭皆舉哀情不能禁也有望墓迎神在堂設祭者如歸窆時堂祭之禮但不舉哀人對於先人之墓無不重視惟墓祭之禮亦須豐富之家行之其餘不過自奠供品哭於墓前而已

5 關於令節者

夏曆正月初一爲元旦先一日設全神位於天井設祖先位於中堂門貼春聯巷懸路燈家長分錢於子女以及僱工名爲待歲錢至子時以後男女齊起在神前先祖前燒香上供供獻花糕隨後焚紙燃放鞭炮闔家先在神前行

禮次向先祖前行禮然後再按尊卑挨次卑者向尊者行禮名爲拜年拜罷餐飯飯用水角子一品亦係先一天預備者餐飯後先向族中尊長處拜年次向街坊拜年至天明方休元旦終日歇息次日歷向親戚處拜年車馬交錯於路歷四五日乃已十五日爲元宵節於太陽未落時家家設燈盞多用黍麵蒸就亦有用陶製者晚飯後人集街市燃花如火樹放起火光射六七里自此以後農事方興新年乃算過去二月初一爲中和節傍晚在門外寬闊處用柴灰撒作圓形內置糧實少計候黎明點紙炮於其中名爲打困說越打越發事近迷信尙非通行三月初三爲

上巳辰俗無修禊之事清明前一日家家上墳燒紙五月初五爲端陽節門傍插艾美饌一天有饋角黍者七夕人家小女子各向其父母索錢湊集一處買葱買肉包水角子內置織梭布杵刀尺鍼剪等項俱用假的供獻織女乞巧供罷分食食得鍼剪者則喜食得搗布杵者則噴兒女子之態可博一噱七月十五亦家家上墳燒紙八月十五爲中秋節全邑通行較端陽節爲盛中餐必具美食數品俟月上時獻月餅供月節後至戚具食物問候如拜年者但不行禮九月九爲重陽節有約集友朋在一處飲酒者但不通行十月朔日又家家上墳燒紙十二月初八用黍米攪棗粿粥名爲臘八粥慈善之家有備粥數筒應付討飯者之乞求更分給鄉鄰之無力煮粥者二十三日晚祀竈自是家家置備度年物品在廚房工作終日無暇晷至除夕方休

6 關於交際者

人家有喜慶事親友街隣相率賀喜主家如家道殷實則備筵請客賀喜者預送紅綾帳或紅紙聯幅婚事用慶賀詞壽事用頌祝詞請客筵席以豐潔爲貴中產以下之家無賀壽誕者或男女完婚力不足以謙客街隣亦必往賀但不送喜儀鄰里有喪男女皆往弔殯期由喪家具帖懇

求襄事名爲職客無不樂効奔走者孝子逢人則稽顙亦不周旋以語言現下一二三各區過紅白事由區部領牌斷絕烟酒其他亦有不斷酒只斷烟者烟爲消耗品酒足悞人事此風可漸漸推行

人有急公好義或對於教育有功或醫家能活多人不圖利者親友輒爲之送匾或送碑受之者訂期酬客酒席務求豐美其有不豐美者必係家道不豐於人又有特別恩感人亦不責其招待之薄

親友彼此探問必具鄉下所有之食品受之者留飯話契闊之情盡歡而散中年以上之婦道彼此探問亦然少年

婦女無輕出者

村莊演戲家家招待親友預備酒席花費不貲觀友亦各助以食物名爲隨禮小戶人家從簡看戲者終繹於道如歸市然舞臺高搭蓆棚臺前可容二三千人係男子看戲處兩傍亦有蓆棚係婦女看戲處鄉村禁止不正當之戲所演皆足範圍人心

7 關於生計者

春天農事已興男子赴田間作苦女子在家做飯耕地耘地時田間無婦女蹤跡麥熟刈麥男子先往女子隨後行
鎊到地亦幫同刈麥血汗不恤貧家婦女成羣結夥奔走

田間拾麥秋天拾穀者尙少棉花開放時業主必覓人拾花極貧次貧之農婦皆應呼而至每地不一數十人拾花所得之錢可補助衣食之資衣則以布爲主多自織者食則以穀米爲主麥不常食以麥貴於穀也野菜充食品者正多貧婦尋菜而食以爲常不能安貧之農婦百無一二惟纏足之風仍未革除

16 關於稱呼者

子女呼父爲爹呼母爲娘呼祖父爲爺爺父本爲爺故呼祖父爲爺爺呼祖母爲奶奶呼曾祖父母則又加以老字媳對夫家之尊長隨其夫之稱而稱之呼兄爲哥呼兄妻

爲嫂呼伯爲大爺伯母爲大娘呼叔父爲叔叔母爲嬸夫婦口頭無稱呼有稱以字者尙不適行於鄉間呼外祖爲老爺外祖母爲老娘舅父爲舅舅母爲妗呼岳父岳母則以大爺大娘稱之翁婿年歲相等者則以叔稱之鄉親皆論輩次僱工有戚誼者論戚誼無戚誼者家長對僱工呼名僱工對家長或伯之或叔之或兄之視年歲爲定衡無貧富階級亦無主僕名分故相交以誠

